

兩浙輶軒續錄

兩浙輶軒續錄卷三目

盛鍾賢 趙驪淵 戴茂隆 周起莘 吳 奐

翁世績 張良樞 柴允鐸 查繼昌 孫錫智

章 暄 潘振翱 吳爲龍 欽吳斐 張孝元

金 衢 郭士達 陳叔升 梅毓秀 樓其嵩

龔 玲 吳文緯 管宏澄 林人傑 陳 諧

俞尙焜 張弈光 柴允鋒 唐之萃 顧 棟

顧有年 舒其南 謝鵬祚 黃百穀 徐用吉

章行卿 梁文浩 包蒙亨 馬壽穀 沈愷曾

范嘉業 吳 欽 孔尙友 徐秉仁 林象觀

何鍾江 翟 澍 查繼伸 李昌漳 趙 式

呂益烈 吳偉玠 孫在中 沈 傑 趙承燾

張思閔 朱思任 章 昞 陳謀道 施 鵬

王之炎 俞化霑 謝振宗 樓 鎮 謝超倫

潘國祚 蔣 宣 張可元 沈 岷 張兆鳳

周 初 柴 才 嚴 峻 翟 瀚 丁 滌

蔣 芑 徐文炳 朱濟仁 孫大棧 金南鎡

陳曾祉 戴元椿 董師儒 張鴻道 蔣漢紀

余毓浩 史 撰 葉 澍 葉葆光 金承芬

姜亨肇 徐 復 鄭 緇 董永孚 凌紹雯

范光陽 孔尙質 陳 灝 顧之致 陳衷赤

陳成永 周近梁 沈 梓 潘雲赤 丁大湘

管鳳岡 施 炳 忻思榮 董元翰 張 貞

許修來 余思濂 徐 烈 姚承祖 孫錫燦

王文龍	錢湛	徐旭旦	曹源郁	丁文衡
方昇	吳長元	查順昌	毛正學	余瀟
舒文酉	張珍志	程萬鍾	高式青	何光煥
黃廷銘	顧啟文	孫其濬	淩紹乾	何之鯨
孫錫珩	嚴曾棠	沈起孟	朱作楫	董德宸
董一聰	傅嘉讓	林喬豐	余鼎台	

兩浙輶軒續錄卷三

督學使者潘行桐訂

盛鍾賢

字叫庵於潛人康熙己未進士官江西高安知縣祀名宦鄉賢

縣志鍾賢家貧力學性尤孝通籍後宰高安地瘠民貧姦吏多玩法鍾賢革耗羨絕苞苴勤心釐剔教養備至卒於官惟餘布衾而已

偕汪韞石遊天目

信步穿危磴相攜過石林峰奇全入畫雲冷半垂陰陟險疑天近臨崖畏壑深遐心何所寄吟嘯託知音

選勝凭虛閣登臨興浩然薦蘿藏怪石窗戶映飛泉人立青

霞上僧歸綠靄邊夜深譚不倦松月且同眠

趙驪淵

字積生又字溥之上虞人仁和籍康熙己酉舉人已未舉博學鴻詞官東陽教諭

送弟千里南還後答友人詩

天涯樹色暗征鐮豁眼飛塵逸興饒燈火夜浮燕市月酒泉

人湧浙江潮黃金未必酬雙闕白雪先煩寄六橋知有雲山

高際闊一鴻南去慰無聊

戴茂隆

字蘿軒平湖人康熙己未舉博學鴻詞

春藻堂讌集

物候三秋換賓筵兩地分遠方欣命駕終夕與論文屋角明蟾魄天風落雁羣百年幾歡會清賞息紛紜

周起莘

字西山又字次修蕭山歲貢康熙己未薦博學宏詞官宣平教諭

龔鼎孳傳略西山隨父仲文先生青溪任所夜夢孟子長身古貌白髯日授書由是文思大進仲文先生遷鄞州判官地遠而境苦母蔡憂之西山年十七請往省遂于五千里外迎歸嘗言今天下有三隱患三藩驕奢兵權不可不撤八旗文弱武科不可不開上陽堡等處係本朝內地流徙不可不恤均切中時隱著載道文集性理日錄倚玉堂詩文鈔

同蔡漢舒諸子北山小集登絕頂望潮

憑高遠望海門開聽徹潮聲起暮哀白練帆晴孤嶼沒黃雲
秋暗大江迴應看星使乘槎去似有馮夷擊鼓來載酒荒亭
無限興秋風落日且登臺

鄜州

三月春深乳燕寒鄉心無賴倚闌干自憐兒女非年小能解
長安行路難雁斷天邊愁欲絕花開江上雨初殘關情最是
如輪月夜夜清光不忍看

吳

吳 字耕民號藝門一號愚園

厲鶚跋略君外鮮聲利之擾居有池林之觀
自師萬物游畋文史蕭閒簡遠流形于詩
周京跋略愚園兀傲自得研
吟不休清池修竹享大自在

山游

平生寡所營放情在山谷卻厭城市喧恥與流輩逐況復天

氣佳晴翠落湖曲轉經度荒溪溪水清一掬躋攀上層巖蕭
森盡松竹怪石紛多態俯仰娛心目何處隱人居寒雲護茅
屋

寄懷周是諫

人生聚散良愁絕最是無端成小別料得思歸人未歸鬱鬱
離情向誰說況逢春事正芳菲草長鶯囀花似雪烏程縣裏
酒香濃碧浪湖頭水澄澈可憐風景足留人賞遍苕溪好煙
月曾記寒牕聽雨眠暇詩快飲無虛日只今作客意如何耐
可思鄉心轉切憶君何處更消魂欲把千條楊柳折

秋晚寫懷

向暮風光別蕭然秋意殘酒因愁裏減書向病中看落葉兼
疎雨黃花入晚寒空懷生計拙亦復強爲歡

翁世續

字載武錢塘人

岐亭城下

出岫閒雲繞寒溪有客來雪風吹短笠明月上層臺避俗人
孤往幽棲路幾回扁舟正東下鬱抱不曾開

張良樞

字天木號樂園錢塘人著繼述堂集

秋晚登紫陽山

三載重來坐翠微歲寒松竹尚依依長江過雨歸潮急老樹
經霜落葉稀亭畔尙傳騎白鶴洞邊何日遇青衣憑虛一覽
秋無際惆悵寒空燕陣飛

柴允鐸

字令武仁和人

浙人詩存本生祖精於醫理遇親朋抱病者不論貧富
無不力爲診救一時戚友比之董奉杏林著有藥性考
痘疹全書小兒心蘊

觀穫稻

稼穡真奇寶豐盈聽所期尊崇先入政辛苦費三時似櫛連雲詠如珠喜雨詩力田終有穫莫效惰農嬉

查繼昌字醉自海甯諸生

海昌備志醉白工詩擅書能辨古彝器及前法書名繪王暉曰醉白繼婦陸故名子性敏善詩嫵婉酬唱相得歡甚陸也查哀痛略血數升已復為悼公詩百首多韻

白桃花

洗盡濃妝露未乾玉容無語倚闌干重來崔護顏非舊獨立春風骨自寒粉淚空彈歌扇薄雪膚不假絳紗單冰魂合向綏山見塵眼何從得再看

孫錫智字屈駿培明子餘杭諸生

家傳略公仰承家學時羣從兄弟先後游庠者十四人
自相師友名噪家術嘗游燕齊秦晉客中諸作今皆散
佚

緝雅堂詩話餘杭孫氏世有行誼著于鄉里惺來先生
于順治年間因清查票田誤并歸屯一田兩稅民不堪
命先生以事關入邑請于當事得奏免者為田二萬一
千六百一十畝有奇次子周驂尤為昆弟之誼一巷之
中燈影書聲不絕也其仍孫樹禮為余乙酉所得士
門內和洽稱其家兒采詩之役校訂編輯勤密可慮
抵家

行盡江湖識世艱歸來桑梓且偷閒卻生入幕長為客希憲
傳經似坐禪豈有文章誇後進漫勞賓友問衰年書生老去
渾無事一炷心香夜告天

章

暄字日宣餘杭廩貢官武康訓導

杭郡詩三輯日宣自幼失怙母聞紡織課讀苦志力學
至性純篤以敬宗收族為己任擴祀田營先祠悉以身
任之

游洞霄宮

勢逼蒼穹俯大荒步虛曾此拜虛皇
翠蛟泉潤桃花雨白鹿峰迴芝草香
秋樹參差迎絳節春巖幽邃隱丹房
縈紆九鎖緣何事不放纖塵到上方

潘振翱

於潛歲貢

采蕨行

皇天養民山有蕨蕨根有粉飢民掘飢民爭掘山欲傾救死
豈知筋力竭明朝重擔向溪澗濯彼清泠去泥土夫春婦漣
呼兒炊飢腹雖充不勝苦司牧諸公知不知朝夕思餐醲與
肥振饑無策未足怪胡忍剝我民膏脂但願皇天憐爾苦五
日一風十日雨雨順風調五穀登蕨根滿山長不取

吳爲龍

字汝納號思雲海鹽人箸樹萱軒集

鶴徵錄思雲性落拓博極羣籍尤好讀史以史事問者雖隱僻某葉某行歷應不爽詩宗六朝初唐少與朱竹垞當谷諸先生及先徵上公兄弟交長水秦溪一棹往還無虛歲詞科之舉當事已列薦牘堅臥不起而高隱海隅窮愁以老著諸史拾遺再續漱水志

秋懷

天時日云邁感物爲悲傷木葉下我庭蟋蟀入我房涼風凝玉露明月凜嚴霜瓊枝旣已萎百草誰復芳人生如過隙安得不激昂願言乘輕風嘯歌涉瀟湘

元鳥方北去鴻雁隨南征飛禽非好勞時至亦變更淒風吹弱羽往來多苦聲中路各相呼欲應恐後行南征極荆湘北去越幽并天地何寥廓自顧微軀輕努力事奮飛毋爲長哀鳴

欽吳棐

字天忱號木庵長興歲貢著木庵詩文集

縣志吳裴少穎異與兄公望並稱神童十七補諸生遭亂獨舉先世十三槍擇地營葬修家祠置產立規鄰有鬻妻償租者焚其券力助之以文行見重當時老而好學尤潛心于易燕園感舊判欽王命隱居處

臺榭荒涼世澤存小兒解事整柴門荒苔拂拭高邱出叢棘
芟除遠岫尊脩竹重栽留月影小池新鑿接雲根青氈舊是
吾家物且喜孫枝又有孫

過古林庵弔雪鏡上人

一瓶一鉢滿雲烟方外神交三十年山徑探梅同得句茅庵
休夏共高眠菜根滋味平常供花月情懷自在禪往事重思
成幻夢偶聞清磬亦淒然

張孝元

字念劬鄞人
簪瀟游草

夜度萍鄉嶺

雨過星初見山深月已歸松風吹客帽螢火襲人衣徑轉頻
呼侶村荒急叩扉還愁前路滑茆舍且相依

金

衢字雲街蕭山人著含藻軒詩草四卷詩餘一卷

山行

秋高天氣爽閒步躡層巒路聽溪聲轉風穿竹徑寒野童驚
禮數村犬吠衣冠喜共山僧語看雲倚石闌

齋中白荷

翠蓋娉婷洗俗埃年年鏡裏送芳來分無清句裁紈扇饒有
冰姿養玉臺曉露欲零珠錯落晚風初定月徘徊須知珍重
輕柔質不對詩人莫浪開

郭士達

字莫宸諸暨諸生

諸暨詩存公父元化當明季以義勇舉邑團練長國朝定鼎賊楊四踞梅溪嘯召葵東新曠諸賊徑薄暨城

元化不待其至率團兵進擊至岡橋遇賊戰死公求得殺父者誓復仇會招撫令下四黨羽皆降一日所仇赴縣遇諸衙中公直前搏擊賊驚駭踣而斃公身自詣獄作詩示人云云令以殺降上公曰生員殺仇非殺降也今仇已復死瞑目願就戮當事多其孝竟得釋

獄中作

碧血埋荒草精英耀日星獨餘千古恨灑淚溢滄溟

陳叔升

字逸民黃巖人

秋日遊九峯寺

長歌遊寶地迤邐過松林一塔梵天古九峯年月深茶園澄夕霽佛殿淨塵心回首煙嵐晚秋蟬到處吟

梅毓秀

字從挺天台諸生著佳山詩集

讀郁離子粵工篇

神龜識幽微先幾世寶貴不知罹鑽灼慘無完腸胃何如溪

澗中曳尾泥塗內先生佐明祖學貫天人最知幾動如神臺
釐無謬背胡爲一小犢肆毒竟味味帝亦若罔聞令人發感
慨粵工善操舟患在不知止所以樵李役風於五湖死且招
伍大夫反笑郁離子卓哉張子房神龍不見尾

樓其嵩

字允中東陽人著
豫瞻小稿自娛集

金華詩錄允中好時穀導氣年八十形如
鶴矯矯然有鸞騰之意自號豫瞻山人
樓上層曰豫瞻山人有三異道遇虎不食墮峻崖不死
跌入水確不春晚年坐一帷十年不睡王鶴潭贈詩有
云九還丹竈君常守十畝園
塵我獨歌以爲學仙信然

遊青臺山

絕頂偶逢樵客到涼風瑟瑟四山秋龍潭水靜丹堪浴鳥道
煙空翠欲流寂寞寒巖仙嶠近蒼茫林樹暮雲浮嗟余素有
耽幽癖攜侶歸來月滿樓

聞鳥

月落烏啼夜離情轉自傷一聲驚別緒千樹隔垂楊反哺空
懸淚瞻雲欲斷腸落花寒食節夢裏薦清觴

旅邸

旅遊汗漫逐浮萍把酒裁詩對客燈莫道此中非故里人閒
總是一郵亭

龔

玲

字蘅泉號峙庵西安人

西安懷舊錄峙庵性孝友讀書不屑章句工真草書得鍾王筆意生平溫恭樸厚善氣迎人見者如飲醇醪怡然相悅

靈芝山

太古有奇卉光華爛五色不逢采芝人亭亭化爲石

吳文緯

字補經桐廬歲貢

桐君山

青山何處訪桐君
鸞鶴聲遙若可聞
西指雙臺雲氣合
東迴二水海潮分
鐘聲送客非凡響
藥草逢春放異芬
絕好登臨縱懷抱
江天如畫已斜曛

管宏澄

字右民海甯人康熙辛酉舉人官秀水教諭

杭郡詩續輯右民鄉薦

出湯潛庵先生之門
朱佩蓮秋林讀易圖序略右民先生有道能文世傳易學其於卦之德體象變探之深矣爻之比應承乘析之微矣由象占以暨戒占又無不闡之精且密矣迺以本義為宗程傳為輔以大全等書折衷精當者條列於上右兩方櫟如列星輝映日月派若百川導引河海嘗倩畫工寫秋林讀易圖以寄意夫易備四時之氣而讀易則宜秋林者蓋秋翠也斂其心則靜而清此又本濂溪易通而教人以讀易之方歟

自題秋林讀易圖

野老賦性拙讀易聊自怡
況作太平民扶杖樂雍熙
新秋氣

漸爽林麓青黃披樹根或可坐靜玩爰象辭寸心偶有得慰
我執簡思仰天看浮雲卽是羲皇時畫工寫我形白髮垂如
絲浩浩與落落未必先覺知敢云寓憂患轉爲秋士嗤

林人傑

字英甫莆田人康熙辛酉舉人著定靜軒小集

疏峯抗高館

洞口雙扉合桃源萬象幽瀑飛晴作雨松捲夜涵秋謝守吟
中句嵇生物外遊石門憑眺覽斜日上林邱

陳諧

字端占號安亭鄞人康熙辛酉副貢官廣東長樂知縣著安亭集

送春詩

昔年送春鑑水頭尊前爛醉還清謳今年送春草堂上雨聲
不斷增惆悵貰酒吟詩債未償一聲鷓鴣又斜陽尋常誤卻
看花約不信流光爾許忙一例天涯飄柳絮試問春歸向何

處小園猶有未殘花。蛺蝶紛紛自來去。翹首臨風落短髭。鏡中雙鬢漸成絲。今年春事長已矣。記取明年花發時。

俞尙焜

字晴江。號青樵。又號晚多。錢塘人。著層雲書屋草。

杭郡詩續輯。晚多舊有詩名。且工畫法。乾隆丙寅丁卯間。構亭制軍雅爾哈善公嘗刻其詩于采風集。

九日登石棚山次東坡海州石室韻

夜明扶桑日出處。長河隔斷江南路。巨靈疊石作蒼龍。雙角杈桹藏霧雨。東巖一峯俯清礪。鐵雲三面開靈宇。悄然不見讀書人。纍纍疑是埋文墓。九月九日天氣清。結伴登高攜桂醕。長歌遙憶眉山仙。舉尊先酌芙蓉主。青驃一去不復還。寂歷空山扃牖戶。更無寸樹著緋衣。賸有雄詞誇少女。安得仙葩開鶴林。微風散作山香舞。二公相距五十年。雪腸仙骨遙堪伍。胸山儋耳同轍迹。碧海長鯨互吞吐。石室當年空磊落。

瓊祠此日餘鐘鼓從來才大難爲用坐令詞賦供酸楚我吟
海上何寂寥得此片石堪共語一枝秋菊薦寒泉颯颯清風
似相許人生寓形隨所適安見佗鄉非故土佳節惟將酹
酬不知曠達誰爲祖好入名山常問津未除結習猶懷古歸
歎一笑海天空回首蒼蒼煙水暮

張奕光

字蘭佩
仁和人

毛際可片略張子東亭所著迴文詩集諸體俱備讀之
者如解連環如行山陰道上其次韻鶴鵠詩汀柳暗時
晴雨喚岸煙籠處暮朝嘯送王震舒歸嚴陵云空臺釣
客無船泊小縣桐溪有水分喜方闕客見過云梁繞眾

縱新出燕屋遮老樹半開

花回環精警不讓若蘭

毛奇齡序略蘭佩喜以迴文詩爲倡酬動輒盈卷才人
豈可量乎余幼時製雙帶子喜遷鶯詞故作是體今老
去不復能矣

緝雅堂詩話東亭別集經洪昉思吳尺鳧諸先生舉采
雖體鄰纖小而情均沈麗七言如風敲竹閣鈴搖響露

起山樓客坐孤題詩寫石青花硯挈榼遊山黃葉秋殆
非凡調五言如天凍雪雲白樹枯江月清尤有浣花風
骨

題澹園雅集圖

圖繪仇滄柱太史毛會侯明府徐五其處士宋子京貢士唐州孝廉

迴文

涼風來高梧園林此幽曠長溪水粼粼遠山雲颺颺良朋忻
笑言好景快觀仰芳蘭尋巖石鳴禽聽下上囊琴攜古歡歌
詩爲宕放忘形樂主賓人各肖貌狀

題嚴陵黃次萬坐樸巢園遺卷

迴文

深深樹裏雲藏屋石几橫開一卷詩吟詠半愁緣旅客畫圖
留迹寄迂癡禽鳴晝院春歸夢月照梨花雪滿枝琴碎久悲
人蚤逝小牕閒玩把君思

秋蓮

迴文

蓮放秋池曉露寒盪搖紅影飄風急煙含波面水濛濛拳足

一鷺雙塘立

柴允鋒

字欽礪仁
和諸生

浙人詩存先大父弱年蜚聲文林讀書不輟年未三十
嘔血而亡嚴灝亭前輩嘗有言曰欽礪神姿崖異有壁
立萬仞之概

夜讀

夜深何寂寞書史正相親坐久燈疑暗吟成句自新蟲聲猶
在碱月影好爲鄰深愧謀生拙甯辭原憲貧

十錦堂

薄日烘雲春正晴春衫初試探春行白公隄畔紅芳鬧西子
湖頭翠浪平花底愛聽新燕語樽前先點小魚羹醉來擬向
苔茵臥不藉肩輿載入城

唐之萃

字元聚號叢
桂仁和諸生

栽花

未能親學圃卻自愛栽花根恃扶持固枝緣雨露華金鈴空
自護羯鼓不須搗十友堪同醉銜杯對落霞

顧

棟字工掄
仁和人

浙人詩存先生性純孝父戌奉天請以身代時征噶爾
丹例得運餉納贖先生備嘗險阻輓運至三十六臺督
運者奇之旋里數年父歿哀號不已嘔血數升而卒歸
城鄧宗伯撰孝子碑同里孫南樓爲之立傳并營墓
在錢塘
萬松嶺

和友人詠射

矍圃常觀德由來六藝全電流嚆矢疾月滿引弓圓都尉雙
雕重將軍三箭傳桑蓬曾有志姓氏勒燕然

顧有年

字嚮中仁和
人簪復堂集

丁素涵曰余友嚮中極有詩名結廬梅墅顏曰復
堂集名流倡和其中流風餘韻至今猶未闕寂也

新秋雜興

綠楊風細聽蟬鳴霧散高林氣轉清
葉落粉垣桐影亂香浮翠閣藕花輕
茂陵著作仍多病漆吏逍遙獨寡營
笛裏關山吹曉月那堪孤影向人明

舒其南

字指叔奉化人
著枕流軒稿

夏晚

綠樹籠斜日沙溪抱小村
渚牛浮鼻渡籬蝶側身翻
多病惟耽臥兼旬不涉園
偶然賦新句幽意與誰論

謝鷗

字荀仲號北溟鎮
海諸生著金臺集

蛟川詩繫先生詩看如天馬行空不受羈勒實則胸懷
抑塞有不可告語之苦第以才氣貴之非知先生者
董沛曰蛟川耆舊詩蛟川風雅洑口詩存鷗皆誤鯤今
從蛟川詩繫又案謝氏號北溟者二一爲緒章列四明
四友之一則先生也

孤雁行

孤雁孤雁雁何孤天長地闊獨哀呼榆林塞路隔千里浮沈
出沒誰同勛高飛風急防雕羽低飛還愁弋者侮湘潭月冷
負嚴霜漢水秋深衝暮雨自古長歌行路難萬里雲水看漫
漫思鄉孤客青衫溼目斷遙天空浩歎

黃百穀

字農師宗炎子餘姚人

朱雪藻曰農師幼明敏能文業醫嘗居西湖之濱甲古
感傷發於吟詠卒以窮餓死所著有素問難經本草註
蕙江緣返魂香詞曲稼軒詩稿俱零落散失

六一泉次女史張令畹留題韻

己亥校經湖上以輞川之痛每登是樓輒有所作如
夜月離情阮氏路春風詩思仲宣樓之句皆自鳴失
意也比年以來足迹不至二十年矣今夏風波稍定

爰來卜居復登茲樓拜先忠端位下見壁上留題有
吳門女史張令畹筆沈瀾久之步韻作此

老我風光二十年南樓重過一淒然上陽春色歸塵土洛浦
晴波蘸冷烟久判青衫輸老淚可能綠綺變哀絃何當再返
瞿塘棹卻託三生石上篇

閒向孤山弔阿青漫尋遺迹過前汀微之腸斷鶯娘傳柳子
心傷馬淑銘總爲情懷難著落更悲蘭蕊易彫零人閒離別
尋常事何獨參商數二星

徐用吉

字叔夏上虞人
箸茗柯集

阻雨

久雨羈行役逢君話寂寥雲低征雁疾風急凍梅飄漁火兼
波動鄉心入夢遙詰朝晴色好勝地自相招

章行卿

甯海諸生著馥

臨海詩錄行卿籍甯海寓居

臨海佚其名行卿其字也

有序

仙居應烈婦詩
婦爲明司寇容庵先生裔美姿容工文適穆某甫三年耿逆陷城被掠至四明乘閒赴水死賊退土人殮之於衣帶得七律詩末句云婦人不識留名譽之死無他志不灰一時多以詩表之感而賦此

樂安烽火慘乾坤玉碎珠沈不忍言黃絹已題曹女碣清風又見尙書門千秋衣帶留哀曲萬里澄波洗潔魂若化子規棲故地年年嘸血滿郊原

梁文浩

字養軒
涪安人

家傳略公幼喜讀書以孝稱年九十慕逢

仁廟南巡借兩浙耆老迎于省城拜酒肉粟帛之

兩浙輶軒續錄

卷三

章行卿

梁文浩

七

賜總督李敏達公以碩德期頤扁其門
門簪詩一卷江太守濯爲撰傳

五人墓

明之末季顏紀綱茄花委鬼妖焰張奄寺擅權古亦有如斯
凶殘過漢唐熹宗幼年禪帝位竟以太阿授婦寺五彪五虎
奄義兒崔呈秀與魏廣微羣姦得志逞威福東林君子離誅
戮朝中喋血猶不快恣意搜求到崖谷大中已死楊左叻誰
其繼者周順昌家居謂可免禍患緹騎忽爾迫金閭五人仗
義顏與周憤激拳碎鼠輩頭餘黨逃竄多免死一時快事稱
蘇州中涓逆黨毛一鷺藏匿藩溷如伏兔飛章星夜達北平
煌煌聖旨出帝京浮雲蔽日日不見誣以倡亂誰能爭五人
慷慨就義死不似奄兒甘忍恥紛紛鷹犬亦何補姓氏徒然
點青史五人俠烈千古聞高風恰與要離羣秋深葉落淒涼

月誰薦香蘂拜古墳

包蒙亭

字穉嘉遂昌廩生著心齋詩集

縣志蒙亭爲文得先正法乳屢試冠軍康熙庚午郡守劉延修志乘秉筆無私著有易經衷統合參藏于家

僑居山莊

古樸高風木石居悠然吾暫作吾廬入簾明月隨來去出岫游雲任卷舒數畝青山千个竹一壺清酒半牀書村人莫話塵中事聊爾偷閒樂歲餘

馬壽穀

字子善嘉興人康熙壬戌進士

荷花池

宋元祐間令狐挺種蓮於望吳門北名荷花池俗訛爲荷花地

荷花池隔藕花溪十里香風路欲迷東岸芳洲更何處鷺鷥

飛過夕陽西

琴石

在佑聖宮殿旁拊之其聲若琴明洪武間有道士來遊肅敬亭中以折足鐫煮藥操琴石上居三載

兩浙輶軒續錄

卷三

有夢亭 月臺 妙楷作

古

スリ

人無識者忽吟詩一絕去

仙院古戒壇昔爲魯公宅右列一閒亭亭旁布兩石仙人跨鶴來市藥於亭側乃居三載餘一朝化其迹留詩題壁閒久矣漫滅沒惟茲一石存琅琅琴韻徹天地自然聲聞之俗腸滌返諸無聲初心與石俱寂

沈愷曾

字樂存歸安人康熙壬戌進士官監察御史

萬壽節朝賀

九重春色接蓬萊雲裏簫韶近鳳臺一葉萸開知月滿千秋桃實紀年來條風動柳飄

行幄仙露凝香獻

壽杯

寵渥侍臣多拜舞

御爐香膳早朝回

范嘉業

字卓庵上虞人康熙壬戌進士官內閣中書

紀孝子張德宏先生入祠

沈江負父屍曹娥孝如彼刺賊復父仇張公孝如此孝道無古今況復同桑梓堅此不忍心各爲父母死但知事竭力何知兵與水吁嗟孝子苦心苦若是廟旣繪孝女祠應祀孝子

吳

欽

字允哲錢塘諸生箸叩壺集

杭郡詩三輯允哲于康熙壬申始爲邑諸生年五十七矣館臨平最久故多與沈東江及宏宣唱酬之作

送何樊侯北行

與子晨夕歡去去輕別離飢驅走四方握手須臾辭出門鮮知已常歎無完衣南北如參商顧盼徒依遲豈無他人親故舊終不遺所傷中道隔良會安可期行行趣遠道各在天一

涯君能奮健翮夙志當不移

孔尚友

字履巖號治山錢塘諸生

楊振鐸曰治山爲西山先生聞韶孫績學修行有祖風與弟元長遊學江淮開爲一時矜式絕意科目寄情山水生平作詩積數百篇皆不假彫飾自然雅馴晚年尤精自號太璞居士又名自怡子

春日西溪閒泛

竹雞亂嘯水活活榜人低唱舟搖搖
梅花落盡蘆芽茁閒煞西溪舊板橋

徐秉仁

字友士號茗園錢塘諸生

和朱鹿田斷橋晚望

晚步亦殊勝何須到雪殘沿堤漁火亂
渡水寺鐘寒湖淨無遊棹人閒愛倚闌
鎔銀山月出彷彿鏡中看

秋釀

冷落三蕉葉陶家秫久收欲將醉籍燬并使酒星囚帘影半
竿暮槽聲一雁秋霜楓誰釀汝紅葉滿林邱

秋燕

桁簾朝未卷衰草滿烏衣紅縷暫相別玉釵何處飛掠風秋
瑟瑟翦雨晚霏霏珍重雙棲意春來望爾歸

秋簟

山居無盛暑秋到簟先涼隱隱龍鱗薄纖纖薤葉長半牀侵
曉月一枕入寒蛩更想東山臥江湖意未忘

秋筍

秋聲不可聽聽輒斷人腸況復吹蘆管何人不望鄉拍哀沙
草白音慘隴雲黃掩面堪嗚咽盧龍月似霜

林象觀

字繼瞻仁
和藥生

南浙輶軒續錄

卷三

林象觀何鍾江程汝

六

X 0 1

浙人詩存先生字學直入
文衡山之室詩有雅音

壬子立春

日以蠶辰著春因扈閨遲窗開殘雪裏街近放燈期紀盛筵
歌沸占晴花木宜重傾得歲酒先欲看諸兒

何鍾江

字赤岷仁和人官
江蘇華亭主簿

浙人詩存先生爲余舅氏宦游數載歸田
後貧如洗日惟詩酒自娛有陶靖節之風

深秋桂林手談

九日登高後庭階桂尙鮮枰開羅雁序香重燕龍涎疑坐清
涼國畏經風雨天不須論勝負相對總欣然

翟

澍

字仲甘仁
和人顯弟

揚嘉橋讀崇禎三年題名石

我生足未越田園秦碑周鼓眼莫觀里門求古意殷勤壞礎

顏闌各尋究石橋東岸遺片石急湍頻衝勢傾仆淤泥滅沒
菱蒲叢瞻顧時時勞頸脰偶然攝衣臨水次不憚涉塗足親
蹂肥落剔蘚欣見之詳看字迹苦矇眊呼童掬水手自洗一
一點畫勞接漱星文磊落列成行結體端莊殊篆籀首書何
氏題橋名揚挖休嘉攷不謬乃知近俗號楊家冠地以姓殊
謫陋橋本舊建此重修崇禎三年誌于後助資姓氏次第書
間有剝蝕難補湊屈指數來剛滿百大抵不外鄉耆舊其中
翟氏居十人適我高祖首鐫鏤餘此九人或未詳遠稽譜錄
猶脫漏料昔我族鳩工時聚族不離橋左右迄今流沿百歲
餘東西分散同落宿幸茲殘碣未銷沈得把芳名傳奕胄對
之欣喜復嗟唏急鈔片紙攜短袖安得更繕一小亭移石亭
中示壯幼庶幾不復混泥沙千秋萬載岡陵壽

查繼仲

字寤玉海甯諸生著寤廬集

東山自嘲

鹿門有兩隱龐公與浩然其迹有先後所性耽幽偏不爲好
爵縻樵雲耨春烟孤矯因自適所幸妻子賢余愧非其匹蒙
頭類清顛瞻眺東山麓朱衣堪比肩朱衣峰名紫芝可充腹晨起
把陳編沁脾孝感飲孝感泉名嬾散石浪眠石浪精舍名問我何朋徒
酒癖兼詩禪

李昌漳

字慕陶鄞人官嘉松下砂場鹽大使

春分前一日萬小跋錢春圃吳架雪招遊西湖限韻

曉起倚山樓聞關聽鳥語俯仰風日佳尋芳歎無侶長者折
東來勝遊命同與聯袂出西湖曠懷破孤旅一葉濛晴波矯
若輕鴻舉前度歎劉郎當年想張緒春分乃詰朝春色竟如

許夕陽旋促歸分楫向煙渚

早發

晨光催棹發茅屋已鳴雞出險離申浦尋幽入雪溪寒深欺
絮薄雪厚壓篷低指點樓臺見蒼茫煙雨迷

時望煙雨樓

題山閣壁用東坡題慈甯寺韻

一樹松花滿院香薄衣初試晚風涼閉門山色當窗入沸地
潮聲隔岸長罷吏得閒殊樂事醫貧惟儉是良方道人指點
名泉處坐向巖頭細細嘗

趙式

字去非諸暨諸生著蟹窗文集別腸詞選雨鵲詞

春遊

獨步尋芳春日斜板橋西畔兩三家名園大好無人到一架
鞦韆臥落花

呂益烈

字思遠餘姚諸生

孫德祖曰余嘗于市肆得舊聚頭扇上書梅里五律詩一首有云杜鵑自號血好山方笑春末署思遠疑呂君也

金山

水面孤城出波回影動搖雲連京口樹月上海門潮形勝三吳盡江流萬里遙香臺塵影外鐘磬度雲霄

過洪澤湖

日射湖波動天開水國虛咽喉控河漢襟帶東淮徐破浪帆無恙看山盡不如片時驚百里回顧屢踟躕

吳偉玠

字公桓自號完璞義烏廩生

金華續錄公桓食餽後旋棄去住處州台山寺簪迹甚富以隱逸終

辛丑夏日同劉聲之重遊石門山屬山南先生隱居處

擬建室以祀

峻石抱雲生嵌空儼削成樹搖平野色谷送暗泉聲
聽敗蘿堪補崖欹字半明高人此遺跡薦菊有心盟

孫在中

字孚尹歸安人康熙甲子舉人官刑部郎中

懷方屏大兄

已見殘梅經雨後更聞歸雁背風高崔郎詩瘦才無敵平子
愁多氣轉豪鐙火雞壇耽寂寞雲天春樹積離騷近來絳帳
加餐否幾度思君醉濁醪

沈

傑

字立齋海甯人康熙甲子武舉人著吟野樓詩草

吳顯日立齋詩見我聞集並稱其善畫箸有畫錄

范子振庵招看菊醉歸賦贈

棄官猶傲屣長揖歸林下種菊繼淵明沽酒飲清夜舉杯興

未酣好雨聲如瀉何殊投轄人放膽不辭罍

趙承燠

字旭野錢塘人

鐵索橋

壁立峯峯湧龍嵒儼畫工臨江山欲斷隔岸霧偏濛落照迎
征騎澄波繞梵宮南天何處是一徑百蠻通

張思閔

字穉登仁和貢生著兩開書屋集唐詩

浙人詩存先生慷慨任義有俠士風所爲詩亦多卓爾不羣之概

蟋蟀吟

蟋蟀吟秋急清幽四壁虛嘶風淒錦瑟咽月伴殘書破夢茫
無迹侵愁碎有餘露滋階下草一一貫珠如

朱思任

字侶樵海甯人海鹽諸生著天慵齋詩集

海昌備志侶樵曾割股療親邑令許公三禮表其閭

節母沈孺人

實卿公配家貧早寡兄偪嫁不從竭力操

偃臥無牀帳棲息以困其勤苦類此

惇惇痛未亾空乏況全嘗砥志人難企冰操天可量棲身篇
作第避螭壁爲裳傳得貞風在千秋尙激揚

節烈陳孺人

文之公配丙戌五月游騎下鄉陳方作食聞變避至埜田兵追及之不屈被重創死

婉婉荆釵婦倉皇義莫違臨危刃可蹈致命死如歸炎曜淒
無色歆雲慘不飛表章予豈敢祇恐閤貞徽

章

炳

字天節餘杭人著見山亭詩二卷

詹錫夔傳略余與天節交五十年康熙辛未天節棄余死憶余年九歲天節年八歲兩童子相遇外大父繼元姚公家即莫逆又二年遭鼎革有無賴者誣外家以逆併繫予父天節趨告仲吾公因謀所以匿余之處冤雪亂定仲吾公以余長妹爲天節妻申之昏姻氣誼益篤未幾仲吾公爲小人拮據大中丞怒禍且不測天節曰七旬老父焉能向刀筆吏屈膝恣其文墨耶遂負父匿余複室中趨轅門大呼願以身代大中丞義之察言者

之安一時同難諸君咸得免皆天節孝思所格也居父
母喪盡哀讀禮同黨以爲法戊申余以酒狂觸忌吏欲
實于法禍及全家天節謀諸同學致書都
門事遂解卒年僅五十有七不亦痛哉
陸次雲序略章君天節目覽五車奇情迅
發所爲古今體詩悲壯閎放渾厚雄深
陸進序略天節鴻才無兩出其困厄激昂之氣發爲
沈鬱頓挫之詞不啻沅湘之遺音長沙之太息也
沈鉞曰章公天節與屠君
允錯以詩名爲西湖長
緝雅堂詩話天節先生行誼似東漢黨錮中人物讀書
知古今治亂之源兵刑禮樂律秣刑法靡不洞貫與宋
荔裳曹秋岳吳草滿庭開古洞山猿嘯幽花野鹿銜寺
野花當戶秀春草滿庭開古洞山猿嘯幽花野鹿銜寺
荒游展少松老入雲多孤鐙苔壁靜疏雨石牀幽雨過
梨花少風來楊柳知七言如可憐垂老還爲客況是經
春未到家白首已知成石隱青山隨意覓漁磯疊嶂夜
升滄海日亂雲盡壓大河流郭外柳煙寒食後隄邊鶯
語落花時都有深致非
懷抱高邁不能爲也

武林風俗七月十三夜俱設祭候山者歸余父歿二載

亦設祭中庭入夜涕泣不能自己爰著哀詩七章

初秋零露溽商飆起涼夕孤子正徬徨悲懷莫能釋父歿已
二載流光何倏忽入室思居處趨庭泣陳迹罔極何以報惟
心徒自責

自責竟莫報淒淒中夜悲秋風吹萬籟音響一何哀言念生
我恩心苦將告誰日月逝不留我父何時歸母也出中堂揮
淚向總帷

總帷何闕寂旨醴總虛設孤燈照裳衣形影殊恍忽母子相
向悲踟躕空鬱結烏鳥飛且鳴徘徊依林樾夜氣更逼人紛
紛照涼月

涼月氣蕭索唧唧鳴草蟲嗟予時未遇所向一何窮哀號訴
中懷踣躅蓬戶中仰睇雲漢閒千里歸飛鴻我獨何人斯永
夜心沖沖

沖沖心不甯假寐在靈几忽見我父來笑語撫孤子云我念
長孫復訊及其弟四顧竟無人嗚咽弗能已歎此兒女情我
身良已矣

已矣何所思我生胡不辰鼎鐘不以祭何以慰先人父兮生
我初聿期大志伸斯願尙未酬歲月秋復春歎息庭下樹離
披誠苦辛

苦辛越宵旦厯厯明星起清酒滴重泉野火焚素紙蒼蒼林
葉飛駐蹕嘯不止來者日如馳去者逝如水愴惻何能窮含
悲徒徙倚

陪林鐵崖高念侶兩先生遊南屏淨慈寺

南屏有古剎縹緲絕埃塵雲霞生屋角殿宇何嶙峋鐘聲出
杳靄山鳥鳴芳春階面披青苔林端掛羲輪城市雖非遙耳

目恍一新行行隨長者聊復適水濱清池足讌賞蒼松多龍
鱗對此可忘疲已識靜者真

春興二首

晨起出西郊積霧豁天曙沿溪溯曲水芳色來古樹蒼翠無
定形林光自回互澄波浴鴛鴦近渚集鷗鷺逸興與之俱岑
巒在指顧陟嶽頓忘疲徘徊得幽趣扶筇更徐行欣賞恣遠
步春事良可懷忽復憂零露

日暮鳥倦飛山光較明淨微月出東方邱壑互輝映豁然開
胸襟平楚失險峻野麋臥松根孤鶴舞石鏡樹敲紅子垂石
裂清泉迸縱情未息足遊興胡可竟柰何天地閒塵俗紛相
競覽勝誠在斯蕭然忘貧病

同姜西溟羅宏載過訪陸雲士賦贈

天地胡爲者如君亦復貧十年迷道路一劍困風塵華髮傷
流輩蒼顏憶老親友朋時過慰來往不辭頻

送孫無言歸黃山

路歧杯酒送君還高蹈伊人不可攀千里江流通白嶽孤舟
帆掛到黃山遙知茆屋憑崖穩愛看松雲拂座閒莫道幽居
塵世隔遲予相訪到林閒

舟中懷毛馳黃

去歲今宵湖上遇其君閑適只垂綸豈知白髮隨年改又見
春花照眼新十載聲名推大雅一朝詞賦屬斯人相思握手
知何日獨泛扁舟逐水濱

獨漉篇

獨漉獨漉水踰平陸欲渡無梁漸及我輻我有行李猶如飄

蓬我有弓矢不射征鴻征鴻離羣哀磬水濱落葉辭樹隨風
紛紛明月入帷流光徘徊輾轉不寐憂從中來龍劍在壁鞘
中塵生神物不試夜深常鳴

江樓獨坐

獨自江樓坐茫茫莫問津雲霾迷遠樹風雨阻歸人野鳥呼
行客江豚拜水神凭牕還自笑留滯又經春

陳謀道

字心微嘉善諸生著百尺樓稿

石瀨山房詩話心微爲幾亭祠部孫嘗謁湯潛庵中丞
湯問幾亭學問淵源答之有原有委湯器重之工詩尤
擅詩餘王阮亭尙書選其詞入倚聲集稱其數
枝紅杏斜勝於宋子京時有紅杏秀才之目

西湖春望東陸子雯若

武林自昔稱佳麗嵯峨丹嶂排雲際夾岸西湖鏡裏明雕甍
畫閣春風細春風三月豔陽天王孫馳逐治遊年楊柳金隄

爭繫馬桃花紫陌競垂鞭前路當鑪紛翠袖按歌一曲殘紅
豆十里秦樓對月明空教腸斷春深候冉冉年華不再來幾
聲鶉鴒隔簾催六橋花月能相待且典鸛裘醉綠醅

登南屏

攜屐南屏四望寬凌空高閣俯清湍風生古渡千帆急雨溼
秋林萬壑寒碧海波濤當檻出滄江烟霧隔城看百盤樹杪
飛流掛有客登臨興未闌

施

鵬字翼青號虛齋

許王猷撰墓志君明敏善讀目數行下事母程以孝聞
居孝豐萬山中憫慨好施與康熙辛丑旱饑乾隆丙子
又饑皆捐貲賑粥給米遠近感德又究心岐黃家言全
活無算名師若盧敬甫王念哉李東周陸卿田皆學醇
行粹命子奉為模楷使有成就晚年謝去塵氛嘯傲
泉石往來西圩別墅問人比之陶徵君林處士焉

雙溪

裂石穿雲落九天雙溪迢遞水潺湲出山猶自清無翳好與
滄溟長百川

王之炎

字石南號靜庵鄞貢生箸南樓近詠二卷

南園小集

春暖蝶成趣茶清客到門飛花香擁席倚竹綠浮尊村僻無
佳釀交深得妙論夕陽送人去新月掛松軒

俞化霜

字潤叔奉化人

劉殿聞戴二芄見訪山房

飄然似鸞鶴隱處畏人知獨喜松竹友不愆風雨期藉苔同
論畫掃石偶敲碁去後懷成癖空山夜臥遲

謝振宗

字奕超會稽人

許朝傳略奕超父兆龍以姻黨侵官帑累繫獄禍幾不測奕超冒死訟父冤代戍黑龍江艱苦備嘗塞上地苦

寒奕超善醫所全活甚眾在戊時其父凶問至呼號擗踊悲痛之聲達戶外後得當事疏請養母回籍其詠懷詩有云有母未能供菽水無兒何必說箕裘可哀也已

戊辰元日作

天涯漂泊倍淒然暮景萱闌愁更牽
貧賤身名長落拓疏狂歲月且盤旋
寒梅有意迎春色冷雨無情溼野烟
九十韶光從可賞漫凭詩句記芳年

樓

鎮字叔重號悔菴餘姚歲貢

縣志鎮有周禮正義讀史提綱史鈔內
外編諸史辨論歷朝儒行錄姚江學統
張廷枚曰悔菴先生工書法嘗見其所
臨懷素千文深得折釵遺意詩亦雄健
惜不可多得

秦中旅邸

飄忽韶華逐曉烟又驚春色到祁連
朝家形勢收三輔天下安危在九邊
傲骨欲凌秦地雪孤懷長泛越溪船
故園好友

思王粲爲數離憂已四年

謝超倫

字文起上虞虞生著長安漫吟桐川雜詠崇川吟稿

上虞詩集文起博通經史熟精選理尤深於地理之學著有遠游篇輿圖攷略歷朝摘要

感遇

壯士志四方甯受羈與縶立身在言行步趨追往哲眾人喜
捷徑君子秉高節一介嚴取與萬鍾且弗屑無奈昏不知嗜
利任饕餮隱懷叵測心顯蹈危亾轍風波起幽獨聲名頓磨
滅求伸反得屈弄巧終成拙嗟此碌碌者奚由慎蹉跌

潘國祚

字燕邱上虞人

秋柳

白露凝千里蕭條倚戍樓枝殘昨夜雨葉落故園秋彭澤憐
多病章臺憶舊遊春風如可待留取暗芳洲

襄江道中

畫舸搖搖逐曉寒江雲飛盡亂峯攢垂楊故作千行綠楓葉
誰知一夜丹萬里風騷存澤國五湖煙景問漁竿好山過去
休回首留待歸時對面看

蔣

宣

字欽睿仙居歲貢
官正藍旂教習

讀梅村詩有感

浮生欠一死自語劇辛酸絕代宮詞豔傷心國步艱吟詩媿
舉羽題墓擬遺山如讀蘭成賦干戈淚暗潸

張可元

字曾如號沂公湯溪歲貢官杭州教授箸松
山螭寄草芳圃存稿一鏡池草西湖偶吟

縣志可元爲南軒裔孫官杭時奉委脩于忠肅墓校刊
四書大成遂甯張中丞器之丁內艱郊居刻南軒詩集
及語孟解服闋補東甌總兵李某授意襚諸生元堅不
允李怨之因作師字說謝病歸甌人德之建祠肖像祀
焉

葉灣夜渡

秋氣正蕭森
葉灣孤櫂吟
疏星明遠樹
淺水拂歸禽
官冷思傳學
人閒偶撫琴
丈夫有千載
不必問升沈

沈

崑字玉山號禾畊平湖人康熙乙丑進士官戶部員外郎著味菜山房集

石瀨山房詩話禾畊爲徐溝令民有甫成婚夫出十年不歸者翁姑疑子死欲改嫁其婦投牒于縣婦執不從禾畊償其聘禮令終守越三日夫歸遠近稱頌舉卓異內擢戶部員外典試黔中以擅責驛官被劾歸生平善畫枯木竹石尤工倚聲所著禾畊詞與黑蜨齋名人稱二沈

訪栽松道者

歸然獨峙古靈光
坐我松陰綠一牀
輸與夢甜花鴨小
午陰風熟度蘋香

古根絡石瘦鬚多
水月光中露補陀
煞怪豔情消未得
藕花時節記來過

張兆鳳

字儀雲號吾坡分水人康熙乙丑拔貢官廣東高州知府祀名宦著吾坡詩集初編續編閩區小草

聯吟草嶺嶠

聯吟若干卷

府志兆鳳以拔貢生授閩縣令清丈勻糧建壩息爭民

開立碑誌德擢知延平府事旋移高州釐革私派安置

搖獍建書院置學田延師課士使炎海之遠有鄒魯風

解組歸日行李蕭然士民繪象歌詩焚香泣送者百里

不絕箸有閩粵政

略記讀史隨筆

歸去

荏苒韶光速南交坐八年老方知自退貧不受人憐五斗陶

潛米一文劉寵錢行藏那復問歸計正蕭然

且園晚眺

好景夕陽西離披草樹迷月來臨水淨花好放幰低久宦忘

余拙多情愛鳥嘯晚來清興足閒覓舊留題

周

初字允開號蓮洲錢塘諸生

浙人詩存先生存耕詩偶於書肆中得之蓋
抱才不遇繼述無人手錄飄零言之悵惘

漁舟

一舸浮家樂微風鼓枻頻落花黏破網吹絮躍鮮鱗自得煙
波趣而無塵世因晚鷗正堪侶況有月相親

送友人移家天台

去年采藥入天台玉闕瓊樓華頂開飽飯胡麻勝石髓移家
雞犬絕塵埃赤城賦就金聲擲天姥思遊清夢回把臂無期
愁日暮湖山寂寞自低徊

柴

才字次山號卯村錢塘諸生箸

家傳略先君子事大母本生祖父母極誠盡慎先高曾
祖暨伯叔祖父母樞浮淺土積課讀微資力謀窳窳晚
年絕志科名詩酒自樂曾誠杰等曰吾不願爾曹為
名士郭泰之敬茅容庾袞之敬褚德豈為名高哉
宋邦綏序略次山先生才高不遇寄情吟詠晚年
集唐人句為詩妙極自然天吳紫鳳相顛倒矣

謁湖上四賢祠

選勝碧湖邊維舟謁四賢風流三太守高尙一逋仙名與屏山並功因翠水傳我來薦清酌春雨尙緜緜

弋陽舟中卽事

一帶西流水秋風捲縠紋拋書聽鼓枻待飯立斜曛遠樹看如薺遙山認作雲吳頭與楚尾歸路此平分

嚴

峻字東升號春農錢塘人

秋日同人花港避暑

映波橋畔水融融樹杪危樓壓遠空紋蹙數層官柳浪香披一陣伎荷風蓮葉透出水面放花者謂之伎荷見陸游老學菴筆記藕絲羞雪紅妝女竿餌驚飛碧繼翁鷺爲碧繼翁清宴追陪忘溽暑歸舟涼月浸詩

篷

瞿

瀚字蕪江仁和人灝

耐冷續譚吾邑翟蕪江爲晴江徵士之弟與吳西林先生游頗爲諸老輩所賞

龍井采茶歌

西湖西去古龍井煙雲秀孕風篁嶺竹鳴茶先百草生鬪奇
不數龍團餅蟄雷一夜展旗槍東風吹送蘭芽香火前社後
辨遲早沿緣林樾爭攜筐摘來片片含生翠薰篝揀焙養清
氣簫奩開處足芬芳鼻觀空香渴先避竹符調水走金沙井
汲雲根靜試茶蚯蚓竅鳴火初活落落旋聽蟹爪爬蒙頂嫌
寒顧渚瘠六安陽羨殊標格三篇好補季疵經七椀試聽玉
川說懿茲芳茗記高岑辨才玉局曾幽尋湖山佳景此第一
宸章璀璨映華林茶坡近闢卷阿裏更誰妄肆中郎毀袁中郎評
龍井茶時謹將土物誌錢塘願比瑤琛納包匭

作草氣

謹將土物誌錢塘願比瑤琛納包匭

梅雨初晴和吳丈西林

送梅才斷涔涔雨萬壑雲收霽色饒
漁艇卻回乘好月鳳樓猶在弄輕簫
荷傾港面紅仍吐蘚積牆頭綠未消
明日西莊穩相訪午陰蟬語聽蕭蕭

丁

滌

字素涵號天庵仁和人著青桂堂集

杭郡詩輯素涵與張步青壇諸駿男九鼎有三子新詩合稿之刻毛雅黃評其詩以爲夷猶而辭韶逸而令

寄王丹麓

憶爾園亭好曾留落日斜影分幽砌竹月送隔溪花
裴迪詩偏廢王猷興不除丹楓時掩映何似赤城霞

蔣

芑

字豐有仁

杭郡詩輯豐有西湖攬勝詩吳慶百爲之序言其豪宕感激讀古識要領其詠御校場有云岳侯就戮韓王罷獵獵旌旗太白高尤爲吳所稱賞

梳妝臺舊址

梳妝臺畔草萋萋過客傷心望轉迷
國破殘紅悲舊恨春深嬌鳥怨空啼
愁埋寶鏡荒原黑畏見晴沙落日低
繾綣如留歌舞在不堪行客一攀躋

徐文炳

字公威海甯人

葛惟松曰公威詩文粹然發明義理根極至性絕不務爲新辭麗格鄉黨中推孝友雍睦者以爲最

旅懷

日月憐雙鬢乾坤寄此身未邀陶令粟猶荷買臣薪
簡謁非關傲踈狂自率真或園生計在早晚問垂綸
東裝歸故里謝客花荆扉架上殘書滿庭前嫩蕨肥
課兒勤誦讀避俗遠塵非好友閑相過清談坐夕暉

朱濟仁

字道耕海甯諸生著道耕詩集

許惟楷象贊道耕賦性非常倜儻奇特憂人之憂急人之急強者降心弱者感德猗歟道耕古仲連匹

游皋亭山憩古梅下

空山寂無人萬木葉盡脫瘦日慘不溫溪光森毛髮躡屐上遙岑禪關掩蘿葛寒梅未著花坐久清香發

孫大棧

字甯士餘杭諸生

家傳畧公博涉羣書爲文疏宕有奇氣深爲馬學使豫所稱賞以第一人入泮性沈靜安貧自得不趨榮利平居閉戶耽吟蒔花灌竹以自娛悅

偕章柱天孤山探梅

前日探梅冒飛雪芒鞋踏處冰花裂今日探梅花滿枝枝頭翠羽噉芳時九十春光去將半畫舫多停楊柳岸一年一度梅花開明年花開君可來

游洞霄宮

一徑入蒼翠亂山修竹濃斷崖森古碣遠寺吼清鐘秋色渺
無際暮雲深幾重行行迷舊路樵子隔溪逢

金南鍊

字夏聲平湖拔貢
官陝西鹽驛道

許仁杰曰先生監督南新中南兩倉出納有法高安朱
文端公以清慎薦歸年七十卒家饒於財而尤好義構
李詩繫獨任開雕一

郡文獻賴以不墜
贈呂雨村鹺使

猶龍

河東後裔五作相文安代興美寅亮華嶽鍾靈毓大賢董鰲
復爾臨湖上經文緯武莫與倫雙鹿夾轂豹爲茵畫戟半籠
紅玳瑁花槽都束翠麒麟緇衣之宜雅好士案牘餘閒訂經
史賞心豈肯涉點塵促膝時聞疏奧旨癖西新闢亭三楹脩
脩竹色攢空青壽母板輿御春日
至樂何減登蓬瀛公爲
天子東南鎮十七郡人賴憂軫行將

丹詔入黃扉指揮庶績皆平允湖涯賤子舊生徒十年枯坐
據槁梧蠡瓢耐可探玉海蓬心猶許對冰壺此中真意世莫
識惟有香風吹赤舄大廈併幪構萬閒懷恩不獨平原客

陳曾祉

字鴻園桐鄉諸生著心隱詩鈔

桐溪詩述先生幼孤露孝事繼母性好詩歌南池諸老招尋入社極爲推許有貝清江鮑西溪之目

范蠡

在幽湖南有藏兵

越壘吳疆古戰場悲歌不盡弔滄桑荒榛烟合藏兵陽斷渚
波分濯足鄉破國早知烹走狗補牢何至泣山羊功成一舸
浮家去野水年年冷夕陽

省庵齋坐雨

深深草徑絕人蹤小市何妨隱若翁十日不來春過半杏花
零亂雨聲中

辦香閣和查他山太史

浮名幾輩爭馳逐獨讓高人占此湖
塵外數椽秋水閣天然一幅輞川圖
煙浮野寺半濃淡雨暗漁村疑有無
試看門前雙柳綠春來補種兩三株

戴元椿

字楚南號培齋德清歲貢箸培齋詩鈔

戴履雲序略予再從兄培齋生平無他嗜好酷愛吟詠篇什甚富詩學少陵與年俱進殆所謂晚節漸於詩律者細

自在

歲月侵尋去風波世上多路揮楊子淚心折楚狂歌
塵榻殘書史陂塘足菱荷猶能得自在不用歎蹉跎

董師儒

字若舒號扶輿鄞諸生

董浦曰先生家貧母有痼疾兄又盲侍養無缺母亡未殯鄰舍火於烈焰中負屍扶兄以出不攜一物由是益

困當事以孝悌徵力辭
不赴乃給廩餼終其身

辭辟

續紛車乘與弓旌何事連朝賁宇衡若以父兄干寵利恐教

臣子盡邀名

張鴻道

字屈耕慈谿人
著淡香亭稿

漫興

涼颼吹日夜幽人憾素心愁思中斷絕躑躅不成吟林月籠
煙樹風枝鳴宿禽擣練拂清響哀哀多苦音攬衣起徘徊良
夜何沈沈零露寂無聲盈盈霑我襟中懷坐自損薄醴聊復
斟三爵非云適恨恨難可禁

蔣漢紀

字波澄
會稽人

暮春剡溪泛舟

春溪寒欲雨孤客泛扁舟鼓櫂空崖際看雲古渡頭峰巒頻
倒影楊柳暗牽愁何處來漁唱鄉心逐水流

秋夜登王氏南樓

時客吳門

城外高樓映太湖湖邊明月夜唳鳥望中燈火光還滅天際
星河淡欲無隔水橫塘種楊柳帶霜秋雁起菰蒲登臨無限
流連意擬向煙波學釣徒

余毓浩

字漢偉號任庵諸暨人官廣東惠州知府

諸暨詩存漢倬官宣化八年多惠政盜息民安以賢能擢廣東惠州府

潔陽松

出關無故人相逢不相洽偶過北邙行溪盡山成峽偃蓋五
丈松驚見歎奇絕

此直北無松惟此松高五丈

喬柯欲摩天低枝蒼翠壓疏

雨不霑濡微風卽颯雪盛暑坐其下清涼如奏簾觀此蒼龍

姿彷彿動鱗甲材大難爲用遐想濟時業

史

撰

字水鑑陳人官四川洪雅
典史著掉南離詠二卷

贈鼎石曾舒齋

古柏環池邊綠竹覆華屋青山橫作屏翠色如可掬延賓入
德門三徑有秋菊結交結同心不在修邊幅舉杯邀明月塵
寰此中浴

贈雁門賴貢啟嵩

山中碩德有耆英養性兼能善養生蔬圃花闌都絕俗松聲
鳥語各關情濟人水可蘇魚涸排難才堪解鵲爭況復豪情
多慷慨尊開北海好相迎

觀畫偶成

笑指鄉關樹歸心總未閒欲尋萬里夢飛到畫圖山

葉

澍字盛敷天台人
著碧溪小草

過龐翰伍別業賦贈

儒雅鹿門士高懷與俗殊能調不死藥曾受異人書
篩月微敲竹留春自刈蔬予情愛清逸時過碧雲居

葉葆光

字隆亭甯海諸生

秋日遊躍龍山

直上層巔眼界開清華秋色淨無埃聞潮閣外斜陽滿一抹

山光抱郭來

金承芬

字芳遠太平人
官孝豐訓導

山寺

高岫摩青霄攀緣不識路忽聞梵唄聲松風引之去迤邐見
寺門緣淺心已寤飛仙不可逢涼蟾送微步

姜亨肇

字會侯江山布衣著碧梧樓稿

縣志亨肇以氣誼重鄰邑饑乞糴者阻於禁亨肇列五病陳當事深中肯綮

宿左坑寺

桃花爛漫柳花飛著屐尋芳趁夕暉
谷口雲封僧獨坐松梢月上鶴方歸
三春芒屨憑誰誤一夢蕉窗悟昨非
此際棲遲良不厭青山有客笑征衣

徐復

字赤城龍游人箸旅吟集

天壇

爛漫羣遊處淒涼獨望時不知天地意
空有古今悲殿迴風霜急壇春草木滋
醉來松影下搔首讀殘碑

漁梁道中

鳥道餘千仞人煙三五家經年聞戰伐
何處問桑麻雲帶前

溪雨秋生隔岸花
栖栖車馬畔回首夕陽斜

鄭

縉字正夫宣平廩生

府志縉少貧養親晝采薪供甘旨暮燃松脂照讀食餼遊太學親歿哀毀失明

大高嶺

湯溪此扼塞路僻滯行裝雲補山腰白沙漫日腳黃老苔封
磴滑野蔓引途長極目荒天外烟村又一方

白雲山

崔嵬萬仞壁鬱鬱鎖龍宮列嶂浮層漢諸山拜下風鐘鳴蒼
樹杪僧臥白雲中俯視塵寰小真成蟻垤同

董永孚

字雋公號恆庵泰順人康熙丙寅拔貢官永康教諭箸記遊草

羅陽詩始先生最篤氣誼業師潘孟澹以謁選卒於京

先生
朝考入都訪得瘞所躬爲扶輿歸葬士林咸義之後嗣

昌熾
尺山大令其五世孫眉伯進士其六世孫也

汴城遺懷

河北風光動客愁，勞勞車馬又中州。
驕人久已忘貧賤，閱世唯當應馬牛。
安遇肯嫌衣百結，遣懷拌飲酒千甌。
登高幾作吳門眺，欲辨家山雪滿頭。

凌紹雯

字子文，號北堂，錢塘人。康熙戊辰進士，官至內閣學士。

府志：紹雯生而穎異，甫三歲，母朱口授毛詩，能成誦。康熙丁巳，領鄉薦。北上，貧不能歸，遂館京師，少習。

國書

廷試卷用清漢合璧體，書之讀卷官奏請。

上裁

置二甲末，入館選爲人清介，自守自庶，常以至閤學不。

攜家累止寓翰林院官署，服浣衣數十年，不忍棄飲食。

菲薄，自甘不妄交游，閉戶讀古人書，性嚴毅寡言笑，不輕然諾，臨事亦介然不惑。

禁中新柳

春深彩煥五雲天

膏澤新霑

苑柳鮮秀質平舒衣似染韶姿全展黛初妍絲絲好借經綸
手點點能飛玳瑁筵總是

君恩多浩蕩託根

蓬島日三眠

范光陽

字國雯鄞人康熙戊辰進士官
兵部郎中著雙雲堂詩文集

府志光陽知延平府寬和持大體沙縣饑民揭竿望屋
而食官軍生擒八人株連四十餘人大吏擬盡置之法
光陽爲誅首亂者餘悉縱遣有大案應決杖四五十人
至辰牌尙坐內衙謂其子曰各犯監禁庭羸已甚早出
恐不及膳以杖加枋腹之身必斃命其慈祥多類此嘗
大書廳事曰淡泊明志平易近民以病告歸徜徉林下
子廷諤官泰甯
令治行稱最

思丹山寄董吳仲

我所思兮在丹山蛟龍山沒愁潺湲高檣大艗不得渡嶺石
巖嶠車閒關白日一聲山欲裂猛虎攫人如人立道旁行者

失顏色嗚呼我所思兮在丹山安得天風吹汝還

孔尙質

字元長錢塘人

西湖竹枝詞

桃花灼灼柳毵毵十里長隄取次探但使都栽桑與柘農家添飼幾多蠶

陳

灝

字匯公仁和歲貢官遂昌教諭

杭郡詩三輯匯公仰希濂洛正傳常以實學實行爲教且勤注性理諸書多所發明遵朱子白鹿洞條規勸諸生以疾去官學者思之

游胥山廣仁院

徑僻寺門清風來孤磬聲庭空喧鳥雀松老走鼃鼃禪室白雲補山檻碧蘚生貫公有遺迹相對兩忘情

顧之玫

字佩士仁和歲貢官雲和教諭

康熙癸酉邑遭回祿劉在園郡伯捐俸振卹賦詩以紀
春煦寒殫長苜蓿釜鬻羹羹在齋粥秉鐸屈指十寒暑璫
未解襪回祿城闔莽莽少人煙寥落不盈數百屋通衢迢遞
半里餘編戶大抵皆茅竹天三降災愈不堪但聞婦孺吞聲
哭幸值蠲金太守賢恩膏感戴如天福僚案鼓舞同輪將振
粟山積均斗斛幹補益虧造化功撫恤不愧司芻牧君不見
召父杜母至今歌不衰名光史冊家戶祝

陳衷赤

字字白鎮海諸生著大雲堂集

雨後得新月

晚霽開涼竇孤尊破旅魂窺庭舒半影落渚得微痕星小河
前約雲勞雨後屯寒光愁夜望裁語坐黃昏

陳成永

字儀山海甯人康熙辛未進士官翰林院庶吉士著攸好德堂集

杭郡詩三輯儀山性磊落為諸生時高自期
許此登詞苑已近艾年著述頗富兼工繪事

送王文在廷獻之豐都令丙子夏文在謁選得豐都漢

志誤稱為陰君上昇故世俗遂指為鬼窟而祝枝山
語怪復備載永樂間尤令事相沿成俗有請牒於官
為先靈覓路者習俗移人至此異時倘得題請更名
平都則愚民之惑庶可祛除而筮仕者亦不至視為
畏途矣文在開儻不羈不數年便當置身臺省能為
此地重開生面令後之攷古者不復傳謠是亦君子
一端也

我聞世有卅六大洞天光明景曜來羣仙第五青城之洞周
圍二千里第七殺眉之麓虛凌太妙人爭傳又聞福地七十
二夔門巫峽仙壇峙蜀川自古多仙蹤山靈處處標神異惟
有平都山更奇五雲樓閣聳瑤池方平仙蛻至今在長生丹
訣留穹碑世人讀書不讀真矜奇語怪徒紛綸漫以陰君上
昇處指為鬼窟叢青燐我聞聖人設教本神道況今襲謬承

謫已逐狂瀾倒從來善政每因民間羅何必非包老君今叱
馭到江濤精神昭假修明裡廉明炯炯燭幽隱當令神君之
頌垂千春神君才調越倫等治安策奏

楓宸迴宣室他年問鬼神長沙賈傳名應並

周近梁

字宏濟一字舉懷號蕩園
慈谿人康熙辛未進士

姜宸英曰蕩園詩冲
淡閒逸寄託深遠

山居卽事

迂拙存吾素幽棲足此生煙雲供晚眺筍蕨餉春耕甕貯村
醪滿廚通竹溜平邀僧閒對弈松子落棋枰

沈

梓

字荆有號定
山錢塘諸生

汎舟北郭卽事

物外招尋好城隅且繫船花光三徑澹雨意一天懸席展鷗

鳬遠詩成草木鮮沿流惜歸路回首綠陰連

樊榭園中碧桃花

碧桃花放曉風餘絕勝仙人洞裏居黃鳥坐窺缸面酒紅英
飛上案頭書繡枝入畫春方醉小徑升堂客豈疎應爲穠芳
留未出看山閒卻小籃輿

潘雲赤

字夏珠仁和人簪月軒詩集桐魚新扣詞

題鮑芝山別業

參軍殊俊逸別業敞寒林當戶一峯落繞溪叢竹深狎鷗看
世事流水寫琴心共有蒹葭思攜尊對夕曛

景星觀卽事

仙觀崔嵬倚翠巖丹泉藥竈隱松杉笕流雪乳通靈瀑花滿
溪雲上客衫白鶴歲深栖老樹黃精春暖出長鑱恣游不覺

山鐘暝斷嶂迴看落日銜

丁大湘

字楚堂
仁和人

雪後小園步月有懷用東坡韻

小園彫盡芭蕉葉滿地霜華鬪殘雪素娥耐冷悄無言心迹
空明境清絕老梅偃蹇著花妍膽瓶雅供一枝折寒香縷縷
鼻觀迎疎影橫斜淡煙滅遙看雁陣雲中來長空萬翼奮飛
掣朔風料峭欺敝裘池冰厚結波紋纈天涯之子去遐征安
得清談霏玉屑回思聚首春復秋不覺流光驚一瞥昔人咫
尺邈天涯暫越關山何足說倦伏紗幮夢見之窗外深憎夏
檐鐵

管鳳岡

字菊堂海甯諸
生著菊堂詩鈔

錢馥曰菊堂遺詩僅六十餘首雖無意求工頗具敦厚
之旨又云菊堂善書晚喜釋典更號晚香老人子寄涇

施蘭若筆法
頗近董華亭

鈔書口占

七十衰翁力不支閒憑不律寫烏絲
借書鈔與兒孫讀消遣
春風上巳時

施

炳字文虎桐鄉諸生

贈友

其歎千秋業中原一字無君才良不耦
吾道未應孤日影沈
蒼靄秋聲老碧梧論文重惜別幽夢滿西湖

忻思榮

字漢桓鄞人

太白山

絕頂臨千仞乘危更一探石前安著竈
松杪出花龕鶴老窺
書帙龍歸傍竹庵興闌翹首望星自耀天南

董元翰

字而宗號西園懿谿諸生

冬日繼興六首用張文潛韻

錄三

竹榻人初起晴暉照小軒烹茶掃落葉束草護衰根野鳥爭
寒樹江梅開遠村一樽常自酌岑寂與誰論
築室臨吳浦潮來水不枯殘霜凝瓦冷衰草上階疎簷短暄
堪負風高雁自呼閒居何所事研墨注蟲魚
雙橋飛六出小閣日將曛竹外添梅色檐前喧雀聲天寒思
近酒性懶怕親人卻羨青青柏淩風更有神

張

貞

字載庵會稽人

春郊

春霽寒郊闊長風送馬蹏牛羊千輩度煙火萬家齊好鳥穿
新坂青枝長舊隄高原勞悵望幽徑已成蹊

許修來

字務敏
東陽人

題蔣翁畫魚歌

波紋滌迴藻紋直錦鱗乍展縑細色重顯疑是松江鱸鮓頭
又類靈巖鯽翻身掣尾滄波開潑刺掩映遙山白去年八月
星河通廣陵雪濤浮太空小魚千頭行接尾大魚一躍隨神
龍我欲天遊遭點額歸向山中守涸轍何人爲挽西江流忽
見此圖三太息細摹輭繪形逼真蔣翁妙手長康筆穿波豁
達意洋洋昂頭似向天門翔掉尾不上任公釣仰吸日月吞
精光日月照耀蒼波立一幅中閒涵溟渤盈尺之身鱗鬣全
看君豈是池中物須臾萬里起秋風怪雨滿堂飛破壁

遊南山

蓄意今初到悠然暢遠情江山千古色村落一川橫怪石噓

雲氣幽泉雜鳥聲遙看來處路足下數峯平

余思濂

字毅堂
西安人

文甯傳略毅堂於書無所不讀爲文
握管立就子二之拭之樞皆得其傳

明果寺

古徑響雙屐無人偕不訶黠猿牽檻竹馴鶴踏庭莎日落山
精見年深經佛多欲論南北法禪坐意如何

徐

烈

字雪村常山歲
貢箸雪村小草

縣志烈博學多識少有神童之目孔公秋巖修輯縣志
采訪之功居多箸有四書集要竹林紀聞邑乘補遺

麗澤泉

空谷忽聞鐘鐘聲何處歇兩泉各得之清韻散林樾

社潭釣月

宋暇八
景之一

一尺鱸魚秋正肥長竿獨坐釣魚磯社潭日暮沙鷗去風捲

兩浙輶軒續錄

卷三

余思濂徐烈蔡祖孫錫燦手籠

卑

鉤絲帶月歸

姚承祖

字我賢開化歲貢官武康訓導

縣志承祖少敏異貫通書史工書法詩古文詞援筆立就以前明經授武康訓導性耿介飲射讀法外不私謁令長嘗盛暑衣棉布夜臥無幃帳卒無以爲斂邑諸生賻之邑令史捐俸歸其槨

修包山聽雨軒落成

羣山環聚處一水碧沈沈石與幽人侶泉清道者心
勵苔新

點屐結宇舊依林聽盡空階雨焚香拭素琴

孫錫燦

字滌山餘杭人康熙癸酉舉人官山西壽陽知縣

棲真洞

棲真幾何年真人渺然去洞口多白雲欲尋不知處

王文龍

字宛虹常山人康熙癸酉舉人考授知縣箸山雨樓文集梅質詩集

縣志文龍性友愛穎異好學佐李文襄幕府四年無干謁歿祀鄉賢

胡邨北嶂

林木森森已百年翠屏如畫晚春妍何當共著游山屐親揭殘碑補舊篇

錢

湛字公露麗水人康熙癸酉舉人官蘭谿教諭

府志公露讀書攻苦晦明弗輟六經諸子無所不通束躬尤謹生平無疾言遽色于蘭谿士多所造就

游白馬山

兩度尋幽扣石扃雲迷山色晝冥冥沿街落葉臨霜赤入戶諸峯過雨青洗鉢池中魚弄影散花臺畔鳥忘形平分老衲煙霞趣不為逃禪學聽經

徐旭旦

字浴威號西冷錢塘人康熙癸酉副貢官廣東連平知州著世經堂集三十卷

杭郡詩輯吾鄉徐氏自世臣先生結登樓社倚獻公訂鷺山盟故羣從皆好學西冷十歲舉神童以燕子賦榴花七律受知當路一充拔貢三副車康親王尚善延置帷幄己未舉鴻博科旋以漸文襄薦開宿遷新河三

百餘里河成以六品補興化縣

仁廟南巡

召對五次應

制撰西湖金山諸賦及迎

鑒詩三十六章西湖十景曲援筆立就丁母憂起補精衛移

甯遠擢連平皆有善政宋太學生徐巨翁其遠祖也忠

節祠在華架山方家峪自宋以來數百年矣有利其材

以飽已藁者祠遂傾圯西泠兄弟以私錢改建于孤山

之麓追遠敬

宗尤可法也

送陶允欽

此別相逢是幾時我詩多是送君詞世如閱水應堪歎心似

孤雲任所之逆旅本來多聚散高才何得混妍媸時方側席

徵賢急莫比商山詠紫芝

曹源郁

字璟含號樸存嘉善人康熙癸酉副貢官慶元敦諭箸東園吟稿

石湖山房詩話學傅中副車房師爲陸觀文先生觀文

宰上猶顧永爲忠死者枕藉學博倡議捐金煮粥全活

無算愈曰曹公子活我嘗游閩粵齊楚閒所至皆折節

願交所居東園繞溪山之勝與二三朋舊游息其中雍

正初舉孝廉方正辭不赴莅慶元任踰年卒歸櫬時諸生徒步泣送百里外額其署齋曰高山仰止志不忘也過三魚堂贈稼書侍御

老屋三閒柳水濱蕭然仍此寄歸身著書歲月閒彌永證道羹牆夢亦親江左百年推碩德朝班當日紀名臣閉門寵辱都忘却還許頻來問字人

丁文衡

字公銓又字乃清號茜園仁和布衣箸

杭郡詩續輯茜園博雅工詩古文撰箸最多極爲毛西河朱竹垞鑒賞卒年七十一無子所箸有彩露堂文集十卷四六五卷一家言二卷日記三十卷

負薪女

石門風起黃熊立苦竹鴉嘯山鬼泣冥冥林木溪水流煙青路黑歸樵急衣鉤棘刺露濡鞵朝朝暮暮負茅柴見說阿嬌金屋裏羅衣如雪玉爲釵

送張南村總之新城

昔游五嶽徧今又去新城山縣雖鄰近孤筇惜此行棠花春
雨放楮葉曉風輕最是清明節溪邊杜宇聲

方

昇字日升
仁和人

杭郡詩三輯日升幼孤貧日誦古格言以自振厲父遺
十二日聯養不倦獨舉先代葬事無少諉惜字施藥爲
時所稱

學朱子十二辰詩

碩鼠碩鼠歌當途牛毛繭絲吏治疏苛政人畏猛虎如兔死
狐悲傷路隅龍飛莫能叩天衢蛇虺性毒通苞苴五馬行春
今見無飲羊陋俗何時除沐猴衣冠似侏儒雞鳴橫行盜賊
徒南園犬吠奚爲乎朱紫榮被牧豬奴

吳長元

字太初號麗
煌仁和人

楊振鐸曰麗煌寓劉石庵閣學所與王述庵司寇交善
著有宸垣識略盛傳于世蘇過斜川集南宋後已佚坊
賈以同名劉改之龍淵集充之康熙間

詔索真本亦不得後

四庫館纂修周君永年蒐自永樂大典中留筭未辨麗煌
得其稿本增補闕遺釐爲六卷阮文達進之

內府麗煌有校錄
竟題後詩云云

核錄斜川集竟題後

蜚煙蠻雨獨相從筆下波瀾嗣乃公人誦高名瓊海外天留

遺稿玉函中鈔自永樂大典清游乍識匡廬面舊時行世皆贗本晚景還傾

靖節風叔黨晚景以淵明自況寄語隱湖毛處士蘇門會策汗青功

查順昌字竹坪海甯諸生箸竹坪詩存

杭郡詩三輯竹坪嘗
封股療親以孝聞

春日寄兄可大滇南

對牀風雨故悠然遠別俄驚已隔年願我離愁牽浙水知君

歸夢繞蠻天池塘草綠春無限山館燈紅月正圓萬里音書
如可達好憑雁足寄詩篇

毛正學

字義上嘉善諸生

石湖山房詩話義上敦行績學研精性理諸書與陸清獻張楊圖兩先生相友善事親孝父疾嘗顧天求代精鑒人才識張公王典於髫齡決其偉器以女妻之後卒成佳士

葉已畦招集二弃草堂用昌黎醉贈張祕書韻

葉生我密戚才名宿有聞爲儒號漫士作吏稱神君十年臥
邱壑雅意任斯文結廬橫山畔屋角饒烟雲芙蓉園清池籬
菊初舒芬我來草堂上邂逅沮溺羣促坐共傳杯絲竹鳴宵
分高蹤螭猿鶴正爾成一軍四筵歌既醉起視各半醺斜月
墮木末清影微氤氲聚會此時節諸賢意何云竊歎風雅途
俗學方糾紛但知逐淫哇不解謝羶葷相將颺華袿無復曳

綺裙筆端出細響有若蠅與蠹忍令芸薹臭竟奪蘭茝薰用
是懷百憂徘徊升大墳詩教苦荒落久矣待勤耘誰者起任
之藝林當銘勳吾黨尙努力乘茲日未曛

余

潘字殷巽鄞貢生官宣平訓導著

甬上續耆舊傳潘九歲通五經比長精於考覈詩亦蕭
散嘗與鄧孝威輩倡和生平愛作水墨山水畫必有題
興致超然初不欲應試以母命求祿養任宣
平訓導由興文教士習一新與兄派齊名

幽居雜詩

巷深垂日脚此地閉吾家數丈蓬開徑頻朝蜂出衙僮閑時
雞草客至適鋤瓜何必幽巖住新蘭亦肯花

舒文酉

字學山
奉化人

剡川詩鈔學山秉性過人讀書一日成誦
十二歲通五經二十三哭父嘔血而卒

和王禮言郊行韻

閒步沙隄上荒郊竹樹遮農人勤耨草牧豎戲簪花遊蟻槐
爲國眠鷗菽作家青帘茅店小盡興酒須賒

張珍志

字青崖號理園會稽人著停雲草堂集

溪樓夜眺

獨倚危樓上幽懷倍此宵鐘聲來遠寺人影靜浮橋鳥亂風
歸樹天空月送潮姑溪春水漲一棹任逍遙

程萬鍾

字帝錫常山人康熙甲戌進士官山西介休知縣著樹滋堂稿餘草縣志萬鍾積學能文詳瞻典雅在山西以廉勤稱多惠政著有見聞偶錄家政類要

登超霞臺

超霞此臺古綠盡艸芊芊佳句無顏謝清風慕偃佺修蛇偶
當路老鶴不知年坐久忘歸路斜陽聽竹泉

高式青

字則原仁和人康熙丙子舉人官河南永甯知縣

府志式青令永甯故山邑多旱曠其田仰漚十一渠大
者曰萬廂曰宣利式青深廣之令潞洛水又開龍頭山
舊渠名天一渠邑尤賴焉鄰邑多私鹽奉檄治之以勞
瘁得疾告歸去官之日百姓感其恩德攀臥不絕於道
且有泣送
千里者

王備五以吉壤贈孫嘉客葬親嘉客索詠其事

一片佳城氣蔥鬱漆燈熒熒久不滅土花斑斕封斷碣青烏
祕記留年月蚪蟠龍怒守窟宅葬師捧鍼說奇絕一朝蓊蓊
墮白日素車丹旛紛臨穴道者駭沸顧同列地靈特爲福人
設孝子聞言再嗟咄頓地縷陳王宰德分田讓宅有奇節未
若此舉尤俠烈富兒千金購不得結念貧交輕一擲兩世要
盟肉白骨頓令人生重交結嗚呼南山有時裂此澤永不竭

山中

縹緲疎鐘時一聞可憐寂寞弔離羣青山是處落黃葉元鶴

幾聲來白雲不見野花能並蒂卻憐幽草近荒墳晚風歸去
愁中路陣陣飛鴻亂夕曛

贈黃晦木先生

賴有眞儒出能擔斯道憂文章開八代理學紹千秋講幄松
花靜南窗蕙蕊幽未應行萬里濯足大江流

何光煥

字星若餘姚人康熙丙子
舉人官四川洪雅知縣

湧翠軒夜坐

小築如舟繫綠汀苔磯蘚磴碧澄澄簷前蛛結無絲網草際
螢然不火燈菊盞可留觴月客松鍼擬贈衲衣僧翛然闌得
陶家徑未睡遙將曲檻憑

黃廷銘

字敬踏號又堂鄞人康熙丙子順天
副貢官戶部郎中第一層樓詩稿

送孫友章南旋

客中愁送客況是故鄉人理棹逢初霽歸家卻小春沙鷗飛
野岸楓葉醉江津亦有葦鱸興臨風獨愴神

顧啟文

字虞成號敬齋錢塘人康熙丙子副貢

浙人諱存先生夙嫻風雅壯游幕府遠至滇粵每爲當世鉅公所傾倒性特嚴介有不合不苟留焉

江沙踏月和韻

子夜促寒更乘閒趁月行天空光皎潔沙靜影分明放眼江
山闊豪吟星斗驚勝懷俱雅調首唱擅清平

己丑冬日簡園攬勝醉後作

蕭閒成別墅點染總奇觀依徑環山級隨花綴石隔茅亭蒼
靄合勺水碧漪寒結構休嫌小吾人胸次寬

獅嶺來嘉集冬晴景亦奢嫩還留細草香自散梅花小立留
殘月憑高帶曉霞更憐樾蔭好遠目不妨遮

客況

康熙己丑十月朔後一日祿陽作

蠻山易變雨絲絲冷暖難憑病骨支悶到肺腸偏戒酒愁因
筆墨反臨池不僧已覺空諸有未隱先教學半凝倚作東歸
春日想閑情還欲烈花知

端江懷古

鬱水西來勢萬重端江鎖鑰壯雄封盤盤高峽迴飛鳥宛宛
靈渠下螯龍投硯洲前芳草滿飛雲樓外暮山濃崧臺一望
情何限無數歸鴻度碧峰

孫其濬

字虞川會稽歲貢官餘杭教諭

孫德祖家集傳昭公爲前明太醫院判諱變和孫院判以醫名與張介賓友善景岳全書多采其說好行其德遇貧而求醫者雖風雪深夜必赴之手植黃楊二本逾年高出于檐于時以爲陰德之徵有二子長諱襄化入國朝成諸生公父也次宣化第進士宰曲陽自是衣冠至今逾十世公詩所謂黃楊山房者子孫雖遷徙猶署家

塾用志祖德虞川公詩家無傳本賴許先生兩浙校官錄存二律是可感也

雪夜坐黃楊山房有感

書以脩身益醫能濟世良高歌飛白雪餘澤長黃楊足用三冬業心傳一瓣香昔年此寒夜祖德劇難忘

寄和季父寄霞公

時知陽曲縣

佇望平安訊衡陽雁乍還誠心求保赤摩鬢欲成斑官舍鳥鳴靜訟庭花落閒阿咸無別語惟願壽如山

凌紹乾

字子健錢塘人康熙己丑副貢祀鄉賢著西湖樵唱集

浙人詩存先生性沖靜少與兄紹震紹焄並有文名兩兄咸進士先生以副車老晏如也座師滿公於同榜中尤爲契重

曹三吉士下第

知君不得意牢落晚涼天下玉應羞泣隋珠自可憐愁從燕

市飲嬾上薊門船風雨寒窗下憑闌意惘然

咏蟬

枯樹涼蟬集音成得意時似留齊女怨莫作小兒窺漢鬢輕
堪擬官貂清更宜賦來誇五德曲斧久無疑

贈侯官許伯起

天涯朋好未嘗疎此日蟬聯識面初四海春風元禮御一麾
玉尺子雲居黃橙紫蟹連宵飲瑤圃芝田並手鋤把得藤花
詩卷子絕勝都講話清虛

何之鯨

字洲海甯諸生
箸存素齋詩草

幽居

怒鳥飛不遠日夕繞吾廬我無食肉相乃得遂幽居徑花開
自落庭草綠還除披襟傾一壺展卷消三餘芳鄰有求仲詞

客多停車穆如清風來惠然能起予

孫錫珩

字大白餘杭增生

家傳略公長身鶴立貌癯神清所爲詩直抒胸臆不拘格律與雪都魏冰以景陵吳旣閑戴小宋輝縣孫靜紫交錢塘徐孝先尤稱莫逆每造訪必爲下榻

風雨詞

風亦愁雨亦愁早禾成熟未曾收耕田無十畝一夜白人頭
客有厭鄉居者詩以答之

鄉居有真樂說與若翁聽布穀培嘉種疏泉釀淥醺門開千
頃碧樓對萬山青屋後多餘地栽花作畫屏

嚴曾棠

字召斯餘杭諸生

縣志曾棠髫年工文十三游庠侍母寢必睡熟乃退爲母營墓陶甑負土出入冰雪中指裂咯血卒年二十

古龍湫詩

湫澗成坯結梵宮一泓清澈與江通
神龍應悔棲靈窟風雨年來繞碧空

沈起孟

字東發嘉興歲貢

南湖早秋

鳴蟬催暑處湖畔嫩涼生粉墜蓮房冷
絲牽蓴帶輕長天來爽氣高樹作秋聲
一棹空明裏機忘鷗不驚

朱作楫

字夢齋海鹽人

家傳略作楫詩初學長吉鐵崖時作幽麗新怪語矯激俗尙後開漁洋談藝乃一歸妍雅

九日同墨麟元文可與登豐山明日又登秦山和墨麟

韻

昨夜新霜點點飛蒼茫野色羃柴扉
雲開皎月隨波上風急嘒雅認樹歸
衰柳笛聲迷古渡寒楓砧韻擣斜暉
攜筇拳石

支頤坐冷露濛濛溼客衣

董德宸

字拱北鄞人
著歷游草

夜雨野泊

誰知幽曠處春雨竟緜緜有夢桃花裏無人芳草邊漁歌窮
水岸茅屋斷林煙世外浮名少閒鷗傍渚眠

董一聰

字舜達號金川慈谿
人晉侃居詩稿四卷

秋風

空山鳴落葉悲切送寒砧正值清霜候頻驚孤客心黃沙迷
塞北白日下城陰靜聽鐘聲遠淒其不自禁

傅嘉讓

字公孝號菴菴鎮海人著友
不居詩稿問梅堂稿粵遊吟

李時培曰公孝所作皆光明磊落之言余與交凡三十
年其事親孝取與廉而尤篤於交朋之義性情梗概可
於詩見

佳略也

題阿育王精舍

陟巘叩禪林樓閣開宏敞名花繞砌濃綠草延階長風送岫
雲合竹引山泉響支公美丰度話言極惆儻揖予爲上客進
退多俛仰談元生幽趣論詩慰遐想飯煮胡麻熟茗啜清泉
爽穉筍初出林清供別方丈晚磬雜松聲新晴催月上偃息
臥繩牀飛夢落天壤

九日同人登候濤山

不爲風吹帽相期攀磴來潮平山盡出秋冷菊初開濁酒濡
頭醉新詩抱膝裁長房如可法卽此是蓬萊

林喬豐

字松年
太平人

度梅嶺

突兀雙梅尖煙嵐莽回互罡風忽吹開稜稜山骨露嶺高天

可捫石磴足恐誤古木交枝柯寒泉噴雲霧巖陰一草廬疑
是仙隱處丹竈不可尋躊躇下山路

莞渭別墅

小築臨清鏡軒楹取次齊日長沙鴉靜春暖早鶯囀略約煙
波外竿絲竹徑西野蔬堪入饌何苦事輪蹄

余鼎台

字殿輔遂安歲貢

縣志鼎台爲文簡奧醇粹尤工詩古文辭興酣落筆千言立就

秋日同友人登樹聲樓

一徑蓬蒿勝事留五獅佳氣坐中收摩挲共識千年物縹緲
同登百尺樓拱揖亭臺凝秀色品題山水集名流西風似解
登臨意霜染郊原萬樹秋

兩浙輶軒續錄卷三